

«Il Gioder reloaded» – René Schnoz tschertga la nett'e stgetta dunna grischuna

(cp) Ils Dis da litteratura a Domat laschan reviver quest onn «Il Gioder» da Giachen Caspar Muoth. Inscenà da René Schnoz, cun sustegn da Maria Victoria Haas, Snook, Marina Blumenthal, Leo Tuor ed auters. Gioder posseda ina bella chasa, ha avunda raps ed el n'è gnanc uschè in trid. E tuttina è el anc adina single e stat a chasa tar sia mamma. Tenor el è numnadamain las dunnas d'ozendi ina dischillusiun: tut be femnas schlaschadas che na san gnanc pli cuschinar las dretgas spaisas grischunas!

E quest Gioder sto in bel di – sin cumond da sia mamma – ir en tschertga da la dunna perfetga. Ina dunna che stuess savair cuschinar almain uschè bain sco sia mamma. Tgi sa sch'el la chatta durant la sairada dals 9 da november a partir da las 20.30 en la Halla



Tircal a Domat, en occasiun dals 23avelis Dis da litteratura?

En mintga cas vegn «Il Gioder» (*René Schnoz* – che ha era concepi ed inscenà il toc) a scuntrar a Domat dunnas fitg scharmantas e talentadas sco p. ex. *Marina Blumenthal*, *Maria Victoria Haas* ed *Anna Mengiardi*. Per trategniment procuran er ils giasts speziels: l'autur *Leo Tuor*, il rapper SNOOK, il pianist Eric Christen, ils musicists Christian Fey e Laura Zangger ed il Volkstanzkreis da Cuira. Il criticher da gastronomia, Andrin Willi, vegn forsia perfin a tradir al Gioder cun tge spaisas ch'i sa laschan conquistar ils cors da las aduradas.

«Il Gioder reloaded» vegn inscenà sonda, ils 9 da november, a las 20.30 en la Halla Tircal a Domat en occasiun dals 23avelis Dis da litteratura. Detagls e program sin www.litteraturarumantscha.ch.